



Inatsisartuni ilaasortaq Siverth K. Heilmann, Atassut

E-mail aqquqitalugu nassiussaq uunga: inatsisartut@inatsisartut.gl

§ 37 naapertorlugu ALCOA pillugu apeqquqteqaammut normu 227_2019- imut akissuteqaat

Inatsisartut Suleriaasianni § 37 naapertorlugu Naalakkersuisunut apeqquqteqaate-qarputit Naalakkersuisut Tasersiami imermit nukissiorfimmit, ALCOA-p sanani-arsimasaanut, pilersitsinissamut atatillugu sunik anguniagaqarnersut pillugu.

Apeqquqteqaatit uannut akisassanngortinneqarsimavoq, taannalu matuma kinguli-ani takuneqarsinnaavoq.

Apeqquqteqaat 1: Ullumikkut niuernikkut pissutsit akillu malillugit ALCOA nu-natsinni aallarteriarnissaminut qanoq inissisimava?

Akissuteqaat:

2016-ip kingorna aluminiup akia qaffariartorsimavoq 2018-imi majip tungaanut, tamatumalu kingorna appariartoqqissimalluni 2016-imi akiusoq qaffasinnerulaartoq tikillugu, tamannalu matuma ataani takutitassiami takuneqarsinnaavoq.



ALCOA-p paasinarsisissimangilaa selskabip maannamut suliniut ingerlateqqikkusunnagu nalunaarutigisimasani allanngortissimallugu.

Apeqquteqaat 2: ALCOA-p saniatigut allanik taamatut sulialinnik peqarpa?

Akissuteqaat:

Naalakkersuisut nunatsinni erngup nukinganik piukkunnaateqarfiit pillugit september 2018-imi Norsk Hydro ASA saaffigisimavaat tamatumunngali atatil-lugu erngup nukinganik piukkunnaateqarfiit tamakku soqutiginnissimanatik.

Apeqquteqaat 2a: Kikkuuppat?

Akissuteqaat:

Apeqquteqaammut 2-mut akissutigineqartoq takuuk.

Apeqquteqaat 3: Tasersiami erngup nukinganik nukissiuuteqarfiliortoqassaga-luarpat, aluminiuliorfeqarnerup saniatigut sunut allanut atorneqarsinnaanissaa ta-korloorutaava?

Akissuteqaat:

Naalakkersuisut inuussutissarsiornermut politikianut pingaaruteqartutut ilaavoq Nunatsinni inuussutissarsiornermik ineriartortitsinissamik pitsaasunik periarfissiinissaq. Tamatumunnga atatillugu Naalakkersuisut misissorpaat Nunatsinni i-mermit nukissiorfiliorfissatut ilimanaatillit annertuut qanoq atorluarneqarnis-saannut atatillugu periarfissat suunersut.

Misissuinerup takutippaat sumiiffiit inermiit nukissiorfiliorfissatut annertuumik ilimanaatillit data centerinit atorluarneqarsinnaasut, taakkua ingerlatsinerannut innaallagiaq annertooq atussallugu pisariaqartinneqarmat.

Maannakkorpiaq Naalakkersuisut arlalinnik nittarsaassinissamut iliuusissanik pi-areersaapput, taakkua suliffissuarnut nukissiamik annertuumik atuisunut sam-mipput data centerit ilanngullugit.

Apeqquteqaat 4:

ALCOA-p aallararteriarnerata kingorna nalilersuisoqarsimava?

Akissuteqaat:

Naalakkersuisut isumaqatigiissummut pioreersumut (MoU) aluminiumimut suli-
niutip ineriartortinnissaanut tunngatillugu ilassummik isumaqatigiissu-
teqarsimavoq (addendum), tatsinit Alcoa suliniutaanut ilaasimasunit
nalunaarsukkat katersorneqarsimasut selskabinut allanut
atugassangortinneqarsinnaaneratt pillugu.

Kiisalu aamma 2018-imi erngup nukinga pillugu inatsit nutaaq
suliarineqarsimalluni, tassani misilittagarfiusimasut eqikkarneqarsimallutik.

Inussiarnersumik inuulluaqqusillunga

Med venlig hilsen



Jess Svane